

KLINIČKI CENTAR UNIVERZITETA U SARAJEVU broj: 3		
PRIMLJENO: 26 -11- 2024		
Organizaciona jedinica	Klasifikaciona oznaka	Redni broj
73	A-3	416487



Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654) na prijedlog Komisije za javne nabavke Izvještaj br. _____ od _____ 2024. godine, v.d. Generalni direktor donosi:

ODLUKU

o izboru najpovoljnijeg ponuđača za nabavku ostalog materijala (jogi dušeci, antidekubitalni dušeci, metalne arhivske police, paravani, nosači vreća i dr.)

I

Na osnovu provedenog konkurentskog zahtjeva, okvirni sporazum za nabavku ostalog materijala, dodjeljuje se ponuđaču:

1. Defter d.o.o. Sarajevo za lotove: 1, 3 i 5;
2. Ortopedija International d.o.o. Sarajevo za Lot 2;
3. Derby Trade d.o.o. Brčko za lotove 4 i 6;
4. Cospex d.o.o. Zenica za Lot 7.

Za Lot 8 niti jedna od dostavljenih ponuda nije prihvatljiva, te se za predmetnu nabavku u skladu sa članom 69, stav 2, alineja d) za ovaj lot dodjela okvirnog sporazuma otkazuje a postupak nabavke proglašava neuspješnim.

II

Izabrani ponuđači su dužni da u roku od 5 (pet) dana od dana prijema ove Odluke, dostave original ili ovjerene kopije dokaza o ispunjavanju uslova iz čl. 45. ZJN, u skladu sa dostavljenom Izjavom ponuđača, ne starije od 3 mjeseca računajući od momenta predaje ponude.

III

Ova Odluka stupa na snagu danom donošenja i objaviće se na web stranici KCUS-a nakon što bude dostavljena ponuđačima učesnicima u postupku javne nabavke.

OBRAZLOŽENJE

Klinički centar Univerziteta u Sarajevu je na portalu Agencije za javne nabavke objavio konkurentski zahtjev br. 893-7-1-382-3-746/24 od 08.10.2024. godine za dostavu ponuda za izbor najpovoljnijeg ponuđača za nabavku ostalog materijala (jogi dušeci, antidekubitalni dušeci, metalne arhivske police, paravani, nosači vreća i dr.).

Na protokol Kliničkog centra Univerziteta u Sarajevu u datom vremenskom roku dostavljeno je 8 (osam) ponuda navedenih u Zapisniku o otvaranju ponuda br. 73-33-4-37402-1 od 23.10.2024. godine koji je u zakonskom roku dostavljen svim ponuđačima. Komisija za javne nabavke je konstatovala da su ponude pristigle blagovremeno te da su uredno upakovane i ovjerene od strane ponuđača.

Na osnovu Tenderske dokumentacije objavljene na portalu javnih nabavki, Komisija je pristupila provjeri dostavljene dokumentacije i konstatovala sljedeće ponude nisu ispravne i razloga kako slijedi:

Tenderskom dokumentacijom, u okviru tačke 2.2.1. taksativno su pobrojani dokumenti koje ponuđači trebaju dostaviti u svojim ponudama. U okviru iste tačke pod i) zahtjevano je dostavljanje Izjave o nepromjenjivosti cijena za vrijeme trajanja okvirnog sporazuma.

Ponudač INTER-COM Zenica u svojoj ponudi nije dostavio gore pomenutu izjavu, te stoga za Komisiju ponuda navedenog ponuđača nije prihvatljiva, jer se isti nije pridržavao uslova iz tenderske dokumentacije, a sve shodno članu 57. Stav (1) Zakona o javnim nabavkama („Službeni glasnik BiH“, brojevi: 39/14, 59/22 i 50/24) – u daljem tekstu ZJN, koji glasi: „U postupku javne nabavke kandidat/ponuđač se pridržava zahtjeva i uslova iz tenderske dokumentacije.“ Obzirom da se navedena Izjava zahtjevala kao poseban dokument kojeg ponuđači dostavljaju u svojim ponudama, a da ista nedostaje kod pomenutog ponuđača, ponudu istog je valjalo klasifikovati kao nepravilnu, sukladno članu 2. stav (1) tačka I. alineja 2) ZJN, te odbaciti imajući u vidu član 68. stav (4) tačka i) ZJN. Osim toga, predmetni ponuđač za Lot 7 nije upisao u tehničkoj specifikaciji pod rednim brojem 7.4. naziv proizvođača niti zemlju porijekla za četke za čišćenje baby flašice. Cijeneći sve navedeno, ponuda ponuđača INTER-COM Zenica se odbacuje za Lot-ove 1,5,6,7 i 8.

Tenderskom dokumentacijom, u okviru tačke 2.2.1. taksativno su pobrojani dokumenti koje ponuđači trebaju dostaviti u svojim ponudama. U okviru iste tačke pod i) zahtjevano je dostavljanje Izjave o nepromjenjivosti cijena za vrijeme trajanja okvirnog sporazuma. Ponuđač I-MANAGER d.o.o. u svojoj ponudi nije dostavio gore pomenutu izjavu, te stoga za Komisiju ponuda navedenog ponuđača nije prihvatljiva, jer se isti nije pridržavao uslova iz tenderske dokumentacije, a sve shodno članu 57. Stav (1) Zakona o javnim nabavkama – u daljem tekstu ZJN, koji glasi: „U postupku javne nabavke kandidat/ponuđač se pridržava zahtjeva i uslova iz tenderske dokumentacije.“ Obzirom da se navedena Izjava zahtjevala kao poseban dokument kojeg ponuđači dostavljaju u svojim ponudama, a da ista nedostaje kod pomenutog ponuđača, ponudu istog je valjalo klasifikovati kao nepravilnu, sukladno članu 2. Stav (1) tačka I. alineja 2) ZJN, te odbaciti imajući u vidu član 68. stav (4) tačka i) ZJN. Pored toga, navedeni ponuđač nije dostavio posebnu Izjavu o prihvatanju uslova plaćanja, odgođenog plaćanja od 60 dana od dana isporuke robe i ispostave fakture, no u okviru dokumenta kojeg je ponuđač naslovio kao “Detalji ponude” navedeno je kao uslovi plaćanja 60 dana od dana ispostavljanja fakture. Na koncu, zbog nedostatka izjave o nepromjenjivosti cijene tokom trajanja okvirnog sporazuma kao posebnog dokumenta koji je tražen tenderskom dokumentacijom, ponuda ovog ponuđača se odbacuje za Lot-ove 1 i 6.

Tenderskom dokumentacijom, u okviru tačke 2.2.1. taksativno su pobrojani dokumenti koje ponuđači trebaju dostaviti u svojim ponudama. U okviru iste tačke pod h) zahtjevano je dostavljanje Izjave o prihvatanju uslova plaćanja, odgođeno plaćanje od 60 dana od dana isporuke robe i ispostave fakture. Uvidom u ponudu ponuđača CHERKA COMPANY d.o.o., Komisija konstatuje da nedostaje navedena izjava, koja je zahtjevana da se dostavi kao posebna izjava, kao posebni dokument u sastavu ponude. U sadržaju same ponude, specifikaciji dostavljenih dokumenata pod rednim brojem 14. gore navedena izjava je navedena, no u sastavu same ponude ista nedostaje. Ponovnim pažljivim sagledavanjem ponude, po redoslijedu dostavljenih dokumenata, Komisija zaključuje da je kontinuitet numerisanja obezbijeden do zaključno sa stranicom 17., gdje dolazi do prekida, pa se ponovno obezbjeđuje kontinuitet numerisanja od stranice 19. pa sve do stranice 25. Kontinuitet samog numerisanja je prekinut upravo kod Izjave koja nedostaje u ponudi ovog ponuđača, a koja je navedena u sadržaju ponude. Komisija je uvidom u kopiju ponude pomenutog ponuđača ustanovila da u kopiji ponude je navedena (nedostajuća izjava u originalnoj ponudi) dostavljena, i to na stranici 18. kopije ponude. Međutim, uzimajući u obzir član 8. Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) - Sadržaj ponude, stavom 8. istog člana i akta, propisano je da: „Ako ugovorni organ od ponuđača zahtjeva i kopiju ponude, ona se dostavlja zajedno s originalnom ponudom. U tom slučaju se jasno naznačava »original « i »kopija « ponude. **U slučaju razlika između originala i kopije ponude, vjerodostojan je original ponude.**“ Uzimajući u obzir gore navedeno, te dovodeći u korelaciju sa članom 3. stavovi (1-2) ZJN koji glase: (1), „Ugovorni organ dužan je da postupa **transparentno**, da se u postupku javne nabavke prema kandidatima/ponuđačima **ponaša jednako i nediskriminirajuće**, na način da obezbijedi pravednu i aktivnu konkurenciju, s ciljem najefikasnijeg korišćenja javnih sredstava, u vezi sa predmetom nabavke i njegovom svrhom.




(2) Opšti principi obavezno se primjenjuju i poštuju i u postupku pravne zaštite,” Komisija cijeni da je ponudu predmetnog ponuđača potrebno odbaciti kao nepravilnu, obzirom da originalna ponuda koja je i predmet evaluacije, te koja ime supremaciju u odnosu na kopiju ponude je manjkava, odnosno u istoj nedostaje Izjava o odgođenom plaćanju od 60 dana, a kako je zahtjevano tenderskom dokumentacijom da ponuda treba istu sadržavati. Očigledno je riječ za Komisiju o greškama koje su prethodno bile tehničke prirode kod predmetnog ponuđača, a prilikom uvezivanja originalne ponude, ili samog kopiranja ponude, međutim to nije razlog da Komisija postupa suprotno važećim Zakonskim i podzakonskim aktima. Komisija se vodila općim principima gore citiranim, te cijenila originalnu ponudu shodno važećom regulativom, I istu ocijenila kao nepravilnu, te odbacila shodno članu 68. Stav (4) tačka i) ZJN. Komisija je dužna ponude cijeniti objektivno, vodeći se važećim normativnim aktima, poštujući opće principe, a ne subjektivno, stoga je ovakvu ponudu valjalo odbaciti kao nepravilnu, iako iz svega sagledanog prethodile su “tehničke greške”. Ponuda je čvrsto uvezana, naljepnice zalijepljene uredno i pečatom ovjerene na ponudama predmetnog ponuđača. Komisija se prema svim ponuđačima, učesnicima mora ponašati jednako i nediskriminirajuće. Obzirom da u predmetnom Lot-u su dostavljene određene ponude na ispravan način, Komisija ne može diskriminisati ostale učesnike/ponuđače, stoga ponudu ponuđača CHERKA COMPANY odbacuje kao nepravilnu.

Komisija je ustanovila da je ponuda ponuđača R&S formalno-pravno ispravna. Ponuda ponuđača COSPEX d.o.o. Zenica je također za Komisiju prihvatljiva, uz naznaku da je isti ponude za dva lota na kojima participira dostavio u odvojenim kovertama zasebno, odnosno odvojeno. Kako je na svakoj koverti naznačeno na koji Lot se ponuda odnosi, kao i podaci o pošiljaocu / primaocu, za Komisiju to nije nedostatak koji utiče na prihvatljivost same ponude. Ponuda ponuđača DERBY TRADE je za Komisiju također prihvatljiva. Ponuda ponuđača Ortopedija International je za Komisiju za javne nabavke prihvatljiva uz naznaku da ista ima za komisiju manje odstupanje, jer u Okvirnom sporazumu nije upisan datum ponude i cijena, no kako se cijena upisuje u obrascima za cijenu ponude i dostavljanje ponude, te kako je svakako u samom postupku javne nabavke planirano provođenje e-aukcije, za Komisiju navedeno nije od presudnog značaja da se ponuda odbaci radi navedenog. Nadalje, datum ponude je vidljiv kroz ostale dokumente samog ponuđača. Ponuda ponuđača Defter d.o.o. za Komisiju je prihvatljiva, osim za Lot 6 u kojem se ista odbacuje. Naime, zahtjev za dostavljanje uzorka za Lot 6 je poslan ponuđačima Defter d.o.o. i DERBY TRADE dana 06.11.2024. godine. Do predviđenog roka za dostavu uzoraka (11.11.2024. do 12:00h) zaprimljen je 1 uzorak i to od ponuđača Derby-Trade, dana 11.11.2024. godine u 08:40 h. Komisija je na zatvorenom sastanku pažljivo pristupila otvaranju uzorka, gdje je ustanovljeno da dostavljeni uzorak odgovara zahtjevanom u tenderskoj dokumentaciji za Lot 6. Ponuda ponuđača Defter d.o.o. se za Lot 6 odbacuje, obzirom da predmetni ponuđač nije dostavio uzorak na zahtjev Komisije do predviđenog roka za dostavu istog, iako je u okviru Aneksa 3 Tenderske dokumentacije naznačeno “Obavezno dostaviti uzorak na zahtjev komisije”. Imajući u vidu da isti nije ispoštovao Zahtjev koji mu je upućen uredno za razliku od drugog ponuđača, ponuda ovog ponuđača za Lot 6 se ne može uzeti kao prihvatljiva, te se odbacuje u skladu sa članom 68. stav (4) tačka j., ZJN.

Imajući u vidu sve navedeno: Ponude ponuđača: INTER-COM d.o.o. Zenica, I-MANAGER d.o.o. i CHERKA COMPANY za Komisiju nisu prihvatljive, kao i ponuda ponuđača Defter d.o.o. za Lot 6.

Obzirom da se radi o konkurentskom zahtjevu, te da je kriterij za dodjelu okvirnog sporazuma „najniža cijena“, Komisija prema Izvještaju br. _____ od _____ 2024. godine predlaže da se okvirni sporazumi dodijele ponuđačima kako slijedi:



Defter d.o.o. Sarajevo

	Opis	Vrijednost ponude bez uračunatog iznosa PDV-a (KM)	Procjenjena vrijednost lota (KM)
Lot 1	Jogi dušek	6.129,00	9.000,00
Lot 3	Metalne arhivske police	2.342,00	2.400,00
Lot 5	Hromirani nosač vreća	4.599,90	4.600,00
Ukupna vrijednost		13.070,90	16.000,00

Ortopedija International d.o.o. Sarajevo

	Opis	Vrijednost ponude bez uračunatog iznosa PDV-a (KM)	Procjenjena vrijednost lota (KM)
Lot 2	Antidekubitalni dušek	1.590,00	2.500,00
Ukupna vrijednost		1.590,00	2.500,00

Derby Trade d.o.o. Brčko

	Opis	Vrijednost ponude bez uračunatog iznosa PDV-a (KM)	Procjenjena vrijednost lota (KM)
Lot 4	Trodjelni mobilni paravan	1.200,00	1.200,00
Lot 6	Nepromočive plahte	4.400,00	4.400,00
Ukupna vrijednost		5.600,00	5.600,00

Cospex d.o.o. Zenica

	Opis	Vrijednost ponude bez uračunatog iznosa PDV-a (KM)	Procjenjena vrijednost lota (KM)
Lot 7	Baby flašice	3.300,00	3.300,00
Ukupna vrijednost		3.300,00	3.300,00

Okvirni sporazum se zaključuje za period od 12 mjeseci.

Uslovi plaćanja: 60 dana od dana isporuke robe i ispostave fakture.

Paritet: FCO Skladište kancelarijskog i potrošnog materijala KCUS-a.

Smatram da je Komisija pravilno postupila kada je uzela u obzir gore navedene činjenice i iz tih razloga prihvatam prijedlog Komisije i donosim odluku kao u dispozitivu.

v.d. GENERALNA DIREKTORICA

Prof.dr. Hajrija Maksić

PRAVNA POUKA:

Protiv ove Odluke može se uložiti Žalba putem ugovornog organa odnosno KCUS-u u pisanoj formi, u roku od 5 (pet) dana od dana kada je podnosilac saznao ili je trebao saznati za navodnu povredu Zakona o javnim nabavkama BIH u toku konkretnog postupka.

Dostaviti:

- Sektor zajedničkih službi KCUS-a;
- Ponuđačima;
- a/a